

ԱՐԵՎԵԼՅԱՆ ՀԱՅԱՍՏԱՆԸ ՌՈՒՄԱԿԱՆ ԱՌԱՋԻՆ
ՀԵՂԱՓՈԽՈՒԹՅԱՆ ՈԼՈՐՏՈՒՄ

ԴԵՐԵՆԻԿ ՄՈՒՐԱԴՅԱՆ

XX դ. սկզբին Ռուսաստանում առկա տնտեսական ճգնաժամը և քաղաքական տագնապալի կացութիւնը երկիրը կանգնեցրել էին հեղափոխութեան նախաշեմին: 1905 թ. հունվարի 9-ին (22) Պետերբուրգում բանվորների խաղաղ ցույցի զնգակահարութեամբ սկսվեց Ռուսաստանում բուրժուազեմոկրատական առաջին հեղափոխութիւնը, որի նպատակն էր տալիս ցարիզմը և երկրում ժողովրդավարական կարգեր հաստատել:

1905–1907 թթ. ռուսական առաջին հեղափոխութիւնը բացարձակ միապետութեան դեմ ուղղված ժողովրդական զանգվածների ամենահզոր շարժումն էր Ֆրանսիական 1789 թ. մեծ հեղափոխութիւնից հետո: Ռուսաստանի մայրաքաղաքում բանվորների նկատմամբ տեղի ունեցած արյունալի սպանդն ալեկոծեց ողջ երկիրը: Ծայր առան զանգվածային շարժումներ: Պայքարի մեջ ընդգրկվեց նաև Անդրկովկասը: Հունվար-փետրվար ամիսներին անընդհատ գործադուլներ էին տեղի ունենում Թիֆլիսում և Բաքուում: Գործադուլների ալիքը հասավ նաև Հայաստան: 1905 թ. մարտին Ալավերդու արհեստանոցների մի խումբ բանվորներ աշխատանքի չեներկայացան: Մի քանի օր անց հանքարդյունաբերական ամբողջ շրջանում բռնկվեց ընդհանուր գործադուլ, որին մասնակցում էր շուրջ հազար մարդ: Գործադուլավորները հիմնականում առաջադրել էին տնտեսական պահանջներ: Երկարատե բանակցութիւններից հետո հանքերի և գործարանների ղեկավարութիւնը տեղի է տալիս, և բանվորներն անցնում են աշխատանքի: Բանվորական գործադուլներն իրենց ազդեցութիւնն ունեցան նաև գյուղացիութեան վրա: Արդեն գարնան-ամռան ամիսներին Հայաստանի մի շարք վայրերում, հատկապես Լոռիում, տեղի ունեցան գյուղացիական ելույթներ: Ապրիլ ամսին գործադուլներ տեղի ունեցան նաև Երևանում: Գործադուլ Հայտարարեցին Սառաջևի և Շուստովի գինու ու կոնյակի գործարանների բանվորները: Նրանց պահանջները ևս գերազանցապես տնտեսական էին: Գործադուլը, որ տեեց երկու շաբաթ, ավարտվեց բանվորների առաջադրած պայմանների մասնակի բավարարումով:

Երկրում ծայր առնող հեղափոխական դոտեմարտերը ղեկավարում էին սոցիալ-դեմոկրատական կազմակերպութիւնները:

Անդրկովկասում սոցիալ-դեմոկրատական շարժումը սկսվել էր տակավին XIX դ. 90-ական թվականներից: Այստեղ մարքսիզմի տարածմանը մեծ չափով նպաստեցին Ռուսաստանի արդյունաբերական վայրերից Անդրկով-

կաս աքսորված ռուս հեղափոխականները: Դեռևս 1897 թ. ստեղծվել էր ՌՍԴԲԿ Թիֆլիսի կոմիտեն, իսկ 1901–1902 թթ. հաջորդաբար ստեղծվեցին Բաքվի և Բաթումի կոմիտեները: 1903 թ. մարտի վերջերին Թիֆլիսում տեղի ունեցավ Կովկասյան սոցիալ-դեմոկրատական կազմակերպությունների առաջին համագումարը, որը հիմք դրեց ՌՍԴԲԿ Կովկասյան միությունը. և որտեղ ընտրվեց նաև ղեկավար օրգան՝ Միութենական կոմիտե: Կովկասյան միութենական կոմիտեում տարբեր ժամանակներ աշխատել են՝ Բ. Կնունյանցը, Մ. Ցխակայան, Ստ. Շահումյանը, Ս. Խանոյանը, Ա. Խումարյանը, Ս. Ծոկուրկիձեն, Ի. Ստալինը, Ն. Ժորդանիան և ուրիշներ: 1903 թ. վերջերին ստեղծվում է «Սոցիալ-դեմոկրատական բանվորական հայ կազմակերպությունը», որն իր գործունեությունն արտասահմանից տեղափոխում է Անդրկովկաս մասնավորապես Բաքու: Այս կուսակցության հիմնադիրներն էին՝ Երվանդ Պալյանը, Դավիթ Անանունը, Բախչի Իշխանյանը, Ալեքսանդր Ռուբենին (Մատուրյանը), Գարեգին Կոզիկյանը և ուրիշներ: Հաշվի առնելով հայ իրականության սպեցիֆիկ պայմանները, կուսակցությունը գտնում էր, որ հայ բանվորության և ազգային ձեռնարկատերերի միջև անտագոնիստական հարաբերություններ չպետք է լինեն և այս սկզբունքով էլ վարում էր իր քաղաքականությունը: Կուսակցության ղեկավար գործիչները թերահավատություն էին վերաբերվում հեղափոխության հաղթանակի դեպքում փոքր ազգերի իրավահավասարության մասին արվող հայտարարություններին, ուստի և պնդում էին, որ կուստուր-ազգային ավտոնոմիան պատենչ է ծառայելու մեծ պետությունների կողմից բացահայտ կամ գաղտնի կիրառվող յստիմիլատորական քաղաքականություն դեմ:

Ինչպես ամբողջ երկրում, այնպես էլ Անդրկովկասում մայիս ամսին և ամառվա ընթացքում հեղափոխական շարժումները զնալով խորանում էին: Ալավերգում բանվորները դուրս եկան մայիսմեկյան ցույցերի: Ստ. Շահումյանը, որ այդ ժամանակ շրջագայում էր Լոռիում, տեղերում կազմակերպում էր սոցիալ-դեմոկրատական բջիջներ: Եվ Ստ. Շահումյանի հետևողական աշխատանքի շնորհիվ հիմնադրվեց ՌՍԴԲԿ (Բորչալուի) Լոռու գավառական կոմիտեն, որը վերջնականապես ձևավորվեց 1905 թ. օգոստոսին:

1905 թ. մայիսին Ստ. Շահումյանը լինում է նաև Երևանում, որտեղ սոցիալ-դեմոկրատական խմբակների աշխատանքները զգալիորեն աշխուժացել էին: Ընդարձակվել էին կապերը նաև Երևանի նահանգում գործող առանձին խմբակների հետ: Հասունացել էր համաքաղաքային ընդհանուր կազմակերպություն ստեղծելու հարցը, և 1905 թ. մայիսի 12-ին Ստ. Շահումյանը հիմնադրեց ՌՍԴԲԿ Երևանի քաղաքային կոմիտեն:

Հեղափոխական ընդհանուր իրավիճակը հասարակական-քաղաքական շարժման մեջ դրեց նաև երկրամասի վերին խավերին, գործարար շրջաններին և ազատամիտ մտավորականությանը: 1905 թ. գարնանից տեղական մամուլը սկսեց աշխուժորեն քննարկել «Ռուսաստանի ներքին կյանքը նոր հիմքերի վրա վերակենտրոնացնելու» հարցը: Օգտվելով ստեղծված իրադրությունից, 1905 թ. փետրվարի 19-ին իր իրավունքների պահպանումը Կովկասում առաջինը հանդես եկավ վրաց ազնվականությունը: Նրանց ներ-

կայացրած հուշագրի բուն ոգին իրենց իրավունքները ռուսական պատակահանության արտոնություններին հավասարացնելու ցանկություն էր: Հետագայում վրաց ազնվականությունը նոր ուղերձներով նաև պահանջում էր Համավրացական պատգամավորական ժողովի ընտրություն և երկրում ներքին ինքնավարության հաստատում:

1905 թ. մարտ-ապրիլ ամիսներին Հայ ազատամիտ մտավորականությունը և գործարար շրջանները երկու հանրագիր են ներկայացնում Ռուսաստանի նախարարների խորհրդին և Կովկասի փոխարքային: Առաջին հանրագիրը կազմված էր Երևանի հասարակության կողմից: Երկրորդը, որը հեղինակել էին 1905 թ. ապրիլի 3-15-ը Թիֆլիսում կայացած Հայաբնակ քսանչորս կենտրոնների ներկայացուցիչները, ավելի նպատակասլաց էր ու բովանդակալից: Ժամանակին այդ ժողովը նույնիսկ Համավել է աշխարհիկ գործերի քննարկմանը նվիրված Հայկական առաջին Համագումարը: Այս Համաժողովին մասնակցել են Երևանի նահանգից՝ Ս. Տիգրանյանը, Հ. Սաղաթելյանը, Ալեքսանդրապոլից՝ Հ. Տեր-Միրաքյանը, Նախիջևանի գավառից՝ Լ. Սարգսյանը, Շուշուց՝ Ա. Մելիք-Աղամյանը, Թիֆլիսից՝ Ա. Բայրուրդյանը, Պ. Ղամբարյանը, Տ. Հովհաննիսյանը, Ս. Քալանթարյանը, Հ. Սպենդիարյանը, Կ. Ատոխյանը, Ա. Խատիսյանը, Բաքվից՝ Ս. Հարությունյանը, Կ. Խատիսյանը և ուրիշներ: Հանրագրերի գլխավոր ուղղությունը երկրի հասարակական և քաղաքական կյանքի վերակառուցման խնդիրներն էին՝ ժողովրդավարական սկզբունքներով:

Վերոհիշյալ հանրագրերում որպես գլխավոր պահանջ ներկայացված էին նաև Հայկական դպրոցների, մշակութային-կրթական հիմնարկությունների, բարեգործական ընկերությունների ու հատկապես Հայոց եկեղեցու ինքնուրույնության հարցերը, և այն արտոնությունների վերահաստատումը, որոնք ունեցել էր վերջինս Հայաստանը Ռուսաստանին միանալուց ի վեր:

Հայ աղբյուրի-հեղափոխական կուսակցությունները 1905 թ. նույնպես հանդես եկան Ռուսաստանի հասարակական կարգը վերափոխելու պահանջներով: Հնչակյանները, չնայած Համեմատաբար փոքրաթիվ էին, այնուամենայնիվ ակտիվորեն մասնակցում էին բանվորական գործադուլներին և ցույցերին: Նրանք, սակայն, հիմնականում ՌՍԴԲԿ փոքրամասնական թևի կողմնորոշում ունեին:

Տակավին 1904 թ. փետրվար-մարտ ամիսներին Սոֆիայում տեղի ունեցած Դաշնակցության կուսակցության երրորդ Համաժողովը, իր գլխավոր նպատակը համարելով արևմտահայության ազատագրությունը, չէր բացառում նաև անհրաժեշտության դեպքում Կովկասում բանվորական շարժումներին մասնակցելու հարցը: Դաշնակցությունն ընդհանրապես Ռուսաստանում գործող բոլոր ձախակողմյան կուսակցությունների հետ քաղաքական միաբանության կողմնակից էր, բայց առանձնապես սերտ էին հարաբերությունները սոցիալիստ-հեղափոխականների (էսէռներ) հետ: Էսէռական կուսակցության Հայտի գործիչ, Երևանում ծնված Վ. Լուսինկիչը (լեհ) ընկերական ջերմ հարաբերության մեջ էր Հայ աղբյուրի-հեղափոխական կուսակցությունների գործիչների հետ: Նա, որ շատ հաճախ լինում էր արտասահմանում, Երկրորդ ինտերնացիոնալի ղեկավարների ուշադ-

րությունը հրավիրում էր դաշնակցության ունեցած ոչ միայն ազատագրական պայքարի ծրագրերի, այլև սոցիալիստական աշխարհայեցողության վրա: Աստիճանաբար այդպիսի համոզման են գալիս նաև Երկրորդ ինտերնացիոնալի ղեկավարները և պատահական չէ, որ 1907 թ. Շտուտգարդի կոնգրեսում դաշնակցությունը, որպես լիիրավ անդամ, ընդունվում է սոցիալիստական միջազգային ընկերակցության շարքերը:

1905 թ. մայիսին Ժնևում գումարված դաշնակցության կուսակցության խորհուրդը մշակեց Կովկասյան նախագիծը, որն արդեն սկսված Հեղափոխության պայմաններում առաջադրում էր ինքնապաշտպանությունից անցնել Հեղափոխական գործունեության՝ ներկայացնելով նաև Հետևյալ պահանջները.

1. Անդրկովկասի համար՝ դաշնակցային ժողովրդավարական հանրապետություն՝ մնալով ազատ Ռուսաստանի կազմում:

2. Կատարյալ հավասարություն բոլոր ազգերի համար և խոսքի, մամուլի, խղճի, բանվորական միությունների, գործադուլների ազատություն:

3. Անդրկովկասի ինքնապաշտպանության սիստեմը ժողովրդական միլիցիայի կազմակերպումն էր:

4. Հողերի աստիճանական համայնացում, անուղղակի հարկերի վերացում:

5. Սահմանել 8 ժամյա աշխատանքային օր, ինչպես նաև աշխատանքային բորսաներ և այլն:

Հարկավ, այս պահանջների հիմքում Դաշնակցության կուսակցության ժողովրդավարական և սոցիալիստական ծրագրի պահանջներն էին:

Հեղափոխությունը նոր խնդիրներ էր հարուցում ցարական արքունիքի առջև: Փետրվար-մարտ ամիսներին առաջացավ կառավարության «ծայրերկրային» քաղաքականության փոփոխության հարցը¹: Պետերբուրգի բարձր ատյաններն այլևս նպատակահարմար չէին գտնում անսքող և կուպիտ բռնարարները, բացահայտ ռուսացման բյուրոկրատական միջոցառումները, որոնք իրականացնում էր կառավարչապետ Դ. Գոլիցինը, և նրա փոխարեն Կովկաս ուղարկվեց կոմս Ի. Ի. Վորոնցով-Դաշկովը՝ արդեն փոխարքայի իրավունքներով:

Այդ նշանակումը մեծ հույսեր առաջացրեց հայ հասարակության շրջաններում: 1905 թ. մարտի 30-ին մայրաքաղաքից Վորոնցով-Դաշկովը հատուկ հեռագիր ուղարկեց Կովկասի բնակչությանը, որտեղ նա հայտարարում էր իր մտադրության մասին՝ երկրամասում զեմստվային հիմնարկություններ հաստատելու, դատարանների վերակազմության, պետական հողերը գյուղական համայնքներին տրամադրելու, հայկական եկեղեցական կալվածքները պետական վարչության տակ առնելու գործը վերանայելու մասին: Հարկավ չէր անտեսվում նաև «անկարգությունները», այսինքն՝ Հեղափոխական շարժումները ճնշելու հարցը: Պետերբուրգում Վորոնցով-Դաշկովին այցելեցին այնտեղ բնակվող և Կովկասից մեկնած մի խումբ հայեր, որոնք Ամենայն Հայոց կաթողիկոսի հանձնարարությամբ շնորհա-

¹ Վ. Բ ա ռ ի ու դ ա Ր յ ա ն, Դ. Մ ու Ր ա դ յ ա ն. Հայաստանի աշխատավորները ցարիզմի դեմ մղած համաժողովրդական պայքարում (1905-1907). Երևան, 1988, էջ 83-85:

վորելով փոխարքային նրանից Հայաստան մի շարք խոստումներ ստացան: 1905 թ. մայիսի սկզբներին փոխարքան ճանապարհ ընկավ դեպի Կովկաս: Կովկասի նախագոններում նրան աղուհացով դիմավորեցին Նոր Նախիջևանի և Ռոստովի Հայ Հասարակութայն ներկայացուցիչները: Փոխարքային Հանձնվեց մի ուղերձ, որը պարունակում էր բացառապես ազգային պահանջներ: Ճառով Հանդես եկավ երգվյալ Հավատարմատար Գ. Չախուռչյանը, որը բավականին համարձակորեն նաև Հայտարարեց, որ իրենց միակ պահանջն է Հայ մնալ, «դավանել մեր հին կրոնը, սովորել մեր լեզուն»²:

Ի. Ի. Վորոնցով-Դաշկովի ընդունելութունը փոխարքայանիստ Թիֆլիսում չքեղ էր. գնացքը կանգնելուն պես աղուհացով փոխարքային մոտեցավ քաղաքագլուխ Խ. Վերիշյանը և Հավուր պատշաճի ճառ արտասանեց: Ճառեր արտասանեցին նաև Թիֆլիսի և Քութայիսի վրաց ազնվականութայն պարագլուխները: Հունիսի 23-ին Թիֆլիս ժամանեց Ամենայն Հայոց կաթողիկոս Մկրտիչ Խրիմյանը, որին, հունիսի 26-ին, փոխարքան ընդունեց արտակարգ հանդիսավորութամբ և խոստացավ արագացնել եկեղեցական գույքը վերադարձնելու ու դպրոցները վերաբացելու հրովարտակի արձակումը³: 1905 թ. օգոստոսի 1-ին Նիկոլայ II-ը, տեղի տալով փոխարքայի խորհուրդներին, դժկամությամբ ստորագրեց այդ հրովարտակը: Հաջորդ օրերին, թերթերի մեծ մասի էջերը լցվեցին այս հրամանագրի վերաբերյալ դատողութուններով, ցանկութուններով և բազում շնորհավորանքներով:

Հայ ժողովրդի տարած բարոյական այս հաղթանակի պահին, ինչպես ամբողջ երկրում, այնպես էլ Հայաստանում դասակարգային մարտերը շարունակվում էին: 1905 թ. հոկտեմբերին սկսվեց համառուսական քաղաքական գործադուլը. այն սկսեցին Մոսկվայի երկաթուղային բանվորները: Հոկտեմբերյան քաղաքական գործադուլների ալիքը հասավ Անդրկովկաս, այդ թվում՝ Հայաստան: Հոկտեմբերի 15-ին Ալեքսանդրապոլի երկաթուղային հանգույցում դադարեցին աշխատանքները: Գնացքների երթևեկութունը կանգ առավ նաև Ալեքսանդրապոլ-Կարս, Ալեքսանդրապոլ-Երևան գծամասերում: Կազմակերպվեց գործադուլային կոմիտե, որը բանվորական վերահսկողութուն հաստատեց Ալեքսանդրապոլի երկաթուղային ողջ հանգույցի վրա: Հոկտեմբերի 16-ին հրատարակվեց գործադուլային կոմիտեի պրոկլամացիան, որը շեշտված քաղաքական բնույթ ուներ:

Հոկտեմբերյան գործադուլների օրերին Ռուսաստանի շատ կենտրոններում ստեղծվում են բանվորների պատգամավորների սովետներ: Հոկտեմբերի 17-ին գործադուլները, տարածվելով ամբողջ երկրում, դարձան համառուսաստանյան: Այս պայմաններում Նիկոլայ II-ը ստիպված եղավ հրապարակել հոկտեմբերի 17-ի մանիֆեստը, որը հուշակում էր «Քաղաքական ազատութունների անխախտ հիմունքներ, անձի իսկական անձնունմխելիութուն, խղճի, խոսքի, ժողովների, միութունների ազատութուն»: Մանիֆեստը խոստանում էր գումարել նաև օրենսդիր Դումա:

² «Մշակ», 1905, № 2:

³ Է. Կոստանյան. Մկրտիչ Խրիմյան. Հասարակական-քաղաքական գործունեութունը. Երևան, 2000, էջ 418-419:

Նման Դոմայի (խորհրդարանի) հրավիրումն արդեն ապացույց էր այն բանի, որ կառավարությունը հասարակության պահանջներին ընդառաջող ևս մի քայլ էր անում: Թեպետև շատ դանդաղ, այնուամենայնիվ. Ռուսաստանը դառնում էր սահմանադրական միապետություն:

Սակայն գործադուլները երկրում շարունակվում էին. նոյեմբեր ամսին Հայաստանում գործադուլ արեցին Ալավերդու հանքագործները: Հուլիսի 2-ին եղան նաև Հայաստանում տեղակայված զինվորական կայազորներում: Դեկտեմբերին Մոսկվայում բանվորները զինված ապստամբություն բարձրացրին, որը վերջացավ պարտությամբ: Դրանով էլ ավարտվեց հեղափոխության առաջին շրջանը:

Ցարիզմը, սակայն, ինչպես և պետք էր սպասել, իր դիրքերը հեշտությամբ չէր զիջում: Ծավալվող շարժումների առաջն առնելու համար կառավարական շրջաններում սկսեցին միջոցներ որոնել ժողովրդի ուժերը մասնատելու ուղղությամբ: Իշխանությունները չէին խորշում դիմելու այնպիսի ստոր քայլերի, ինչպիսին տարբեր ժողովուրդների միջև կրոնական և ազգային թշնամանք բորբոքելն էր: Անդրկովկասում այդ քաղաքականությունն ուղղվում էր Հայերի և ադրբեջանցիների (թաթարների) դեմ: Եվ իշխանությունները հասան իրենց նպատակին. 1905 թ. փետրվարի 6-ին տեղական իշխանությունների և հատկապես Բաքվի նահանգապետ Մ. Նակաշիձեի հրահրումով, մի քանի օր անընդհատ տեղի ունեցան Հայադրբեջանական ընդհարումներ: Սակայն չարիքը միայն Բաքվով չսահմանափակվեց, այդ դեպքերը ազդանշան եղան Անդրկովկասի մյուս վայրերի համար: Իշխանության թուլությունները սանձազերծված ազգայնական տարրերը, որոնց ուղղորդում էին նաև համախալամական նկրտումներ ունեցող ադրբեջանական բուրժուազիայի և կալվածատիրության ամենաուռապեղծները ներկայացուցիչները, ձգտում էին կոտորածների նոր օջախներ ստեղծել⁴: Ադրբեջանցիների միջավայրում բռնկված հակահայկական մոլուցքի պայմաններում, իրենց «առաջնորդներին» հեղինակությունն անվերապահորեն ընդունող հետամնաց խավերը հեշտությամբ էին ենթարկվում հարևանների վրա հարձակվելու կոչերին, մանավանդ, որ վերջիններիս հրապուրում էր նաև Հայերի ունեցվածքը թալանելու վարդապետյն հեռանկարը: Խաղաղ աշխատանքով զբաղված Հայ բնակչությունն ընդհարումների առաջին օրերին անակնկալի եկավ և բավականին զոհեր տվեց: Հետագայում միայն Հայերը նշանավոր Հայդուկապետ Նիկոլ Դոմանի (Նիկողայոս Տեր-Հովհաննիսյան) գլխավորությամբ կազմակերպվեցին և հակառակորդին զգալի կորուստներ պատճառեցին:

Փետրվարի 18-ին ընդհարումներ սկսվեցին Երևանում, որին անմիջապես արձագանքեց Նախիջևանը, որոշ ընդհատումից հետո ընդհարումները Երևանում կրկնվեցին մայիսի վերջերին և ապա՝ սեպտեմբերին⁵: Կատաղի ընդհարումներ եղան Գանձակի դավառում և ընդհանրապես այն վայրերում, ուր Հայ և ադրբեջանցի բնակչությունը շերտ ընդ մեջ էր

⁴ Թ. Վ. արդանյան. Թաթարական ազգաբնակչության ազգայնական դրսևորումները Անդրկովկասում XX դ. սկզբին. — «Բանբեր Երևանի համալսարանի», 2000, № 3, էջ 89–97:

⁵ Հ. Մ. մոսյան. Ազատագրական պայքարի ուղիներում. գիրք 1, Երևան, 2003, էջ 235–239:

բնակվում: Օգոստոսի կեսերին սկսված Շուշվա կոտորածին արձագանքեց Բաքուն, որտեղ ընդհարումներն ուղեկցվում էին հայերին պատկանող նավթահանքերի և նավթագործարանների հրգեհումով: Հոկտեմբերի 17-ի մանիֆեստն առիթ դարձավ, որ ցարիզմն իր դիվային ուժերը նորից գործի դնի: Հոկտեմբերի 20-ին Բաքվում սկսվեց, ապա Վրաստանում ու Հայաստանում տարածվեց ջարդերի ու կոտորածների նոր ալիք: Նոյեմբերի 18–23-ը ընդհարումներ եղան Գանձակում, նոյեմբերի 22-ին՝ Թիֆլիսում, դեկտեմբերին՝ Հայաստանի գավառներում:

Կառավարական սադրանքը պարարտ հող էր ադրբեջանական մուֆտաների ազգայնական կրքերը բորբոքելու համար: Փոխարքայի հովանավորութամբ Գանձակի և Բաքվի նահանգներում ադրբեջանական ընկերը ստեղծեցին «Դեֆայի» («Պաշտպանութուն») կազմակերպությունը, որը կոտորածներ, սպանություններ ձեռնարկելուն զուգընթաց մահասարսուռ թուղթիկներ էր տարածում լուսնի վրա խաչվող երկու դաշյունների կնիքով: Նրանց օրինակով Երևանի նահանգում գործում էր «Ջանբեզարներ» կազմակերպությունը: 1906 թ. ևս արյունալի ընդհարումները շարունակվում էին. մինչև սեպտեմբեր ամիսը հայկական բնակավայրերում լսվում էր դարհուրելի «Կարմիր քրքիջը»: Կովկասյան իշխանությունները, տեսնելով, որ երկրամասում դրուժյունը ապակայունացնելու անհրաժեշտություն ալլևս չկա, դադարեցրին ընդհարումները:

Հայ ժողովրդի ինքնապաշտպանությունն այդ ծանր օրերին գերազանցապես իրենց վրա էին վերցրել Դաշնակցություն, ինչպես նաև Հնչակյան սոցիալ-դեմոկրատական կուսակցությունները: Դաշնակցության նշանավոր հայդուկներ Նիկոլ Դումանը, Վարդանը (Սարգիս Մեհրաբյան), Համադասալը (Սրվանձոյան), Քեռին (Արշակ Գաֆաֆյան), Սաքոն, Դրոն, Խեչոն, Ռաշիդը, Մուրադը, Սեպուհը, Առաքելը, Ավոն, Առյուծ-Ավադը, Կոփեցի Մուշեղը և ուրիշներ: Այս հերոսների թվում շատ էին նաև արևմտահայերը: Ինքնապաշտպանության կազմակերպման կենտրոնական դեմքը Ռոստոմն էր: Կովկասահայ և արևմտահայ ֆիդայիներին միավորել էր արյան կանչը, համազգային գաղափարը: Նրանք շատ լավ տեսնում էին, որ հայության երկու հատվածների դեմ, իր վերնախավերի առաջարկությամբ, ոտքի էր կանգնել դեպի Թուրան, դեպի նախնյաց հայրենիքը ձգտող միավորված սպառազեն թրքութունը:

1905–1906 թթ. հայ-ադրբեջանական ընդհարումների ժամանակ կովկասյան իշխանութունների կողմից այդ վայրերը գործողված զինվորական միավորումների, այսպես կոչված, «չեզոք» և «հաշտարար» նպատակները ոչ այլ ինչ էին, եթե ոչ խաբեություն՝ զորամասերի հրամանատարների մեծագույն մասի դիրքորոշումը հակահայկական էր: Չնայած այս «առավելությանը» և այն հանգամանքին, որ հարձակվող ադրբեջանական ջոկատները հնգապատիկ գերազանցում էին հայկականին, ընդհարումները մեծ մասամբ ավարտվում էին հայերի հաղթանակով և, բնական է, որ սպանված ադրբեջանցիների քանակը զգալիորեն շատ էր լինում հայերի դոհերից: Ցարիզմի կազմակերպած արյունոտ այդ խրախուսման և դեմ իրենց ցասման ձայնը բարձրացրին հայ ու ադրբեջանական գրողներ Հովհաննես Թումանյանը, Սաբիրը և ուրիշներ, ինչպես նաև ռուս առաջավոր հասա-

րակուլթյան ներկայացուցիչներն ու առաջին հերթին Մաքսիմ Գորկին: Չնայած 1905–1906 թթ. դժոխային ամիսներին և նյութական մեծ վնասներին, որ կրեց արևելահայուլթյունը, այնուամենայնիվ ընդհարումներն ունեցան հոգեբանական առանձնահատուկ նշանակուլթյուն. դրանց ընթացքում հաղթահարվեց հայի գոհի բարդուլթը: Հայը դարձավ վստահ իր ուժերին. նա այլևս չէր երկնչում իր հարևանից, համոզված էր, որ վերջինիս հարձակման դեպքում համարժեք պատասխանը չի ուշանա:

1905–1906 թթ. արևելահայուլթյունը մարտական դաստիարակուլթյուն ստացավ: Այն իր քննուլթյունը բռնեց նաև հետագայում դարավերջին սկսված Ղարաբաղյան ազատամարտի տարիներին⁶: Ազգապահպանուլթյան մտահոգուլթյուններն էին, որ այդ տարիներին արևելահայուլթյունը, մասնավորապես գյուղական բնակչուլթյունը, հանգեցին այն գործնական եզրակացուլթյանը, որ իրենց բնակավայրերը հնարավորինս պետք է կենտրոնացած լինեն, ուստի և տեղի ունեցան բնակչուլթյան ու բնակավայրերի տեղաշարժեր և համախմբում:

Ընդհարումներից հետո հայ հասարակական-քաղաքական շրջանակներում զգուլթորեն արձարժվում էր իրատեսական այն միտքը, որ անհրաժեշտ է երկրամասի հայկական բնակավայրերը միավորելով, տարածքային ինքնավարուլթյուն ստեղծել և Ռուսաստանի կազմում ունենալ Արևելյան Հայաստան, մի նպատակ, որը մինչև 1905–1906 թթ. հայ հանրուլթյան կողմից անտեսվում էր: Հայաստանաստեղծ այս մտայնուլթյան յուրատեսակ արտահայտուլթյուն դարձավ կաթողիկոս Մկրտիչ Նրիմյանի կողմից 1906 թ. մայիսի 10-ին հրատարակած կոնդակը, որով հրահանգվում էր օգոստոսի 15-ին Ռուսաստանում ապրող հայ բնակչուլթյան կողմից հրավիրել պատգամավորական կենտրոնական ժողով: Ընտրական իրավունք էր վերապահվում 21 տարին լրացած երկսեռ բոլոր ծխականներին, որոնցից 1000-ն ընտրում էր մեկ պատվիրակ: Երկրորդ աստիճանով պատվիրակները միանալով ընտրում էին մեկ պատգամավոր, արդեն 10 հազար ծխականի լրագորուլթյամբ: Նախատեսվում էր ընտրել ընդամենը 60 պատգամավոր: Մրազրվում էր ժողովի նստաշրջանի առաջին քննուլթյանը գնել դպրոցական, տնտեսական և թեմական ժողովները կարգավորելու հարցերը:

Հայկական թերթերի մեծ մասը ողջունեց կաթողիկոսի նախաձեռնուլթյունը, որը բխում էր նաև նրա նախկին հեղափոխականի ըմբոստ ոգուց: Կենտրոնական ժողովի բացումն էջմիածնում նշանակված էր օգոստոսի 15-ին, որը, սակայն, ձգձգվում էր պատգամավորների ժամանակին չհավաքվելու պատճառով: Օգոստոսի 17-ին ժողովը բացվեց 46 պատգամավորների մասնակցուլթյամբ: Մամուլում այն հաճախ համարում էին նաև համագումար, որը պատգամավորների մեծ մասի ցանկուլթյունն էր: Պատգամավորների հավաքատեղի էր նշանակված էջմիածնի ճեմարանի հիվանդանոցի մեծ դահլիճը: Դահլիճի վերին ձախ կողմում դրված էր կաթողիկոսի գահը, աջ կողմում երկու սեղաններ՝ նախագահի և քարտուղարի համար, մի սեղան էլ՝ մամուլի ներկայացուցիչների համար: Հռետորները ե-

⁶ Գ. Թ ա Ր խ ա ն յ ա ն. 1905–1906 թթ. Հայ-թաթարական կռիվների պատճառները և ընթացքը (ատենախոսուլթյան սեղմագիր). Երևան, 2002, էջ 17:

լույթ էին ունենում ամբիոնից: Դահլիճի երկայնքով և մեջտեղում շարված աթոռները հատկացվել էին ունկնդիր-պատգամավորներին: Ժողովի նախագահ ընտրվեց Ս. Զավարյանը: Առաջին նիստում արծարծվեց ժողովի ձեռնհասության հարցը. արդյո՞ք այն միայն կենտրոնական ժողով էր, թե՞ սահմանադիր իրավունքներով օժտված համագումար, որը կոչված էր լուծելու արևելահայ իրականության կարևորագույն հարցերը: Այս վերջին տեսակետը պաշտպանում էր ժողովին ներկա դաշնակցականների մեծ մասը, իսկ երիտասարդները (Լ. Աթաբեկյան, Ա. Ձիլինգարյան) չէին քաշվում կռնակ դարձնելու եկեղեցուն և հայհոյանքներ թափելու էջմիածնի ու հոգևորականության հասցեին: Դաշնակցության ավագ սերնդի ներկայացուցիչները, խոսելով ժողովի սահմանադիր լինելու մասին, բնավ չէին բացառում եկեղեցու դերը, այլ դատում էին, որ վերջինս անհրաժեշտ է, սակայն այն պետք է գառնա կաթողիկոսի գլխավորությամբ ժողովրդի կամքն իրականացնող դործագիր մարմին:

Կովկասյան իշխանության ներկայացուցիչները, որ աչալուրջ հետևում էին ժողովի ընթացքին, սկսեցին անհանդստանալ և հեղափոխական ու սեպարատիստական, ինչպես նաև հակապետական տրամադրություններ նկատելով պատգամավորների ելույթներում՝ էջմիածնի դավառապետին հանձնարարեցին ցրել ժողովը: Օգոստոսի 30-ին դավառապետը ներկայանալով ժողովականներին՝ պահանջեց 24 ժամվա ընթացքում թողնել էջմիածնի սահմանները: Չնայած կենտրոնական ժողովից առաջ և դրա ընթացքում քննադատական ելույթներ եղան խիստ պահպանողական որոշ հոգևորականների, հակադաշնակցական տրամադրություններ ունեցող մի շարք ազատական դործիչների, ինչպես նաև սոցիալ-դեմոկրատական կուսակցության մեծամասնական դործիչների, մասնավորապես Ստ. Շահումյանի ու Ս. Սպանդարյանի կողմից, ժողովի հրավիրումը հայկական պետականության ստեղծման կարևոր փուլերից էր:

Չնայած 1905 թ. Մոսկվայի բանավորների դեկտեմբերյան ապստամբության պարտությանը, այնուամենայնիվ 1906 և մասամբ 1907 թթ. երկրում ժողովրդական հուզումները չէին դադարում: Այդ տարիներին շարունակվում էր նաև դեռևս վերջնականապես չձևավորված քաղաքական որոշ ուժերի կազմակերպական միավորումը: Այսպես, 1906 թ. հունվարի 3-ին Թիֆլիսում հրավիրված հիմնադիր ժողովը ծնունդ տվեց հայկական սահմանադրական-ուսմկավար կուսակցությանը, որը պաշտոնապես կոչվեց «Սահմանադիր-դեմոկրատական կուսակցության հայ արմատական ֆրակցիա»: «Մշակ» թերթը դարձավ նոր կազմակերպված կուսակցության օրգանը: Կուսակցության առաջատար դործիչներն էին Հ. Առաքելյանը, Ա. Քալանթարը, Ալ. Արասխանյանը, Ա. Մխիթարյանը, Ս. Հարությունյանը, Լ. Սարգսյանը, Ք. Վերմիշյանը և ուրիշներ: Հայկական այս նոր կուսակցությունը, որին անվանում էին նաև «Մշակ»-ի կուսակցություն, իր դործունեությամբ և խնդիրներով մոտ էր ռուսական «Ժողովրդական աղատություն» (Սահմանադիր ուսմկավար) կազմակերպությանը, ուստի և ընդունում էր վերջինիս ծրագրային ընդհանուր սկզբունքները: Դրանք էին՝ Անդրկովկասում մտցնել ինքնավարություն և օրենսդրական իրավունքներով սեյմ, հայկական բոլոր հիմնարկությունները վերակառու-

ցել ժողովրդավարական սկզբունքներով, նպաստել Հայ ժողովրդի լեզվի, գրականության ու մշակութի զարգացմանը, ձգտել Կովկասի բոլոր ազգերի Համագործակցությանը: Հայ ազատականները բավական աշխույժ գործունեություն ծավալեցին երկրամասում զեմստվային տեղական օրգաններ ունենալու համար՝ իրենց կողմից ևս պահանջելով Անդրկովկասում ինքնավարություն մտցնել: Ի վերջո, ինչպես զեմստվային ինքնավարության, այնպես էլ մյուս բոլոր չափավոր պահանջները մերժվեցին՝ Հանդիպելով ցարական բյուրոկրատիայի պատենչին:

Ռուսական առաջին Հեղափոխության տարիներին Անդրկովկասի քաղաքներում գործում էին դեռևս 1902 թ. նարոդնիկական սկզբունքներով կազմավորված սոցիալիստ-հեղափոխական էսէռական կուսակցության ներկայացուցիչներ: Նրանք ժողովրդական ընդհանուր ցասման գյուղացիական թևի մարտական ներկայացուցիչներ էին և միաժամանակ որոշակի Համակրանք էին տածում Հայկական ազգային-ազատագրական շարժումների նկատմամբ: Եվ պատահական չէ, որ 1907 թ. Հունիսին Բաքվում ստեղծվում է «Սոցիալիստ-հեղափոխականների կուսակցության Հայ կազմակերպությունը»: Կուսակցության մեջ ղեկավար դեր էին ստանձնել նախկին «Երիտասարդ դաշնակցականներ» Լևոն Աթաբեկյանը և Արսեն Ամիրյանը: Հայ էսէռների ղեկավար կազմում էին նաև Վ. Մինախորյանը, Վ. Խոսրոուհին, Գ. Մելիք-Շահնազարյանը, Գ. Բազազ-Աղաջանյանը, Բյուզանդը և ուրիշներ: Էսէռական կուսակցությունը Բաքվից և Թիֆլիսից բացի, իր ներկայացուցիչներն ուներ Երևանում, Ալեքսանդրապոլում, Կարսում:

Ռուսական առաջին Հեղափոխության կարևորագույն նվաճումներից էր ժողովրդին խոստացված օրենսդրական խորհրդարան՝ Պետական դումա ունենալու իրավունքը: 1906 թ. գարնանը երկրում նշանակվեցին Առաջին պետական դումայի ընտրությունները: Անդրկովկասի Հայության կողմից Դումայի պատգամավորներ ընտրվեցին Ալեքսանդրապոլի նախկին քաղաքագլուխ Գ. Տեր-Պետրոսյանը, իրավաբան Լ. Թումանյանը, Թիֆլիսի նահանգի կողմից՝ բժիշկ Ա. Այվազյանը, Գանձակի բնակչության կողմից՝ բժիշկ Բ. Բահաթրյանը: Դումայի բացման նախօրյակին՝ 1906 թ. ապրիլի 29-ին, հրաժարական տվեց նրա հրավիրման նախաձեռնողը՝ թագավորի ձեռնարկի հակադրանքին արժանացած, բարենորոգչական որոշակի Հակումներ դրսևորող, նախարարների խորհրդի նախագահ Ս. Վիտտեն: Մասնակցելով Դումայի գործունեությանը, թեր ու դեմ կարծիքներ Հայտնելով երկրի դրությունը վերաբերող ընդհանուր խնդիրների շուրջը՝ Անդրկովկասի Հայ պատգամավորները 1906 թ. Հունիսի 12-ին հատուկ Հարցապնդում արեցին Հայ-ադրբեջանական ընդհարումների ժամանակ կովկասյան իշխանությունների բռնած դիրքի, նրանց օրինազանցությունների և սահմանափակ գործունեության ու ապիկարության մասին: Հարցապնդումը պաշտպանության արժանացավ ադրբեջանցի, վրաց և ազատական տրամադրություններ արտահայտող որոշ ռուս պատգամավորների կողմից: Մասնավորապես ռուս պատգամավորներից մեկն իր ելույթում այն միտքը Հայտնեց, որ կովկասյան ազգություններին իրար դեմ գրգռելու և ընդհարումներ առաջացնելու ճանապարհով Հետադիմությունը ձգտում է արյու-

նաքամ անելով թուլացնել նրանց՝ ռուսացնելու, գիմազեղման ենթարկելու համար⁷:

Բավականին պերճախոս փաստեր հրապարակվեցին կառավարության կենտրոնական և տեղական ներկայացուցիչների զայրացուցիչ վարքագծի մասին: Պատգամավոր Բ. Բահաթրյանցը, կառավարությանը համեմատելով «անշնորհքության բազմազլխանի հիդրայի» հետ, պահանջեց հեռացնել ժողովրդին բարիք չցանկացող մարդկանց⁸: Դուժայում կառավարության ներքին քաղաքականությունը մերկացնող սենսացիոն ելույթով հանդես եկավ ներքին գործերի նախարարի նախկին տեղակալ իշխան Վ. Ուրուսովը: Նա հայտարարեց, որ սևհարյուրակային-ջարդարարական կազմակերպությունները, որոնցով հեղեղված է երկիրը, գործում են պետական բարձրաստիճան պաշտոնյաների ուղղակի ղեկավարություններ, որոնք Ռուսաստանում տեղի ունեցող ամբողջ խառնակությունների պատճառը համարում են լեհերին, հայերին, հրեաներին⁹: Դուժայի նիստերի ժամանակ գյուղացիական շահերի պաշտպանության օգտին հանդես եկող ռուս պատգամավորներն այնպիսի խիստ-ելույթներ ունեցան, որ ի վերջո, Նիկոլայ II-ը հրաման տվեց կառավարիչ սենատին Պետական դոման արձակելու և նոր Դուժա հրավիրելու մասին՝ գումարման ժամկետ նշանակելով 1907 թ. փետրվարի 20-ը:

1907 թ. հունվարից սկսվեց Երկրորդ պետական դոմայի ընտրությունների կամպանիան, որն ավարտվեց փետրվարի սկզբներին: Ի տարբերություն Առաջին պետական դոմայի, Դաշնակցությունը որոշեց Երկրորդին ակտիվորեն մասնակցել, գտնելով, որ հետհեղափոխական ժամանակաշրջանում այնտեղ հայությանը վերաբերող կենսական բազում հարցեր են արժարժվելու: Երևանի նահանգից Երկրորդ դոմայի պատգամավորներ ընտրվեցին դաշնակցականներ Հ. Սաղաթեյանը ու Ս. Տիգրանյանը, Գանձակի նահանգից՝ Ա. Տեր-Ավետիքյանը: Կարսի մարզում ընտրվեց անկուսակցական Հ. Աթաբեկյանը: Թիֆլիսի պատգամավորների մեջ էր սոցիալ-դեմոկրատ, փոքրամասնական Արշակ Զուրաբյանը: Երկրորդ դոման բացվեց 1907 թ. փետրվարի 20-ին: Ինչպես Առաջին, այնպես էլ Երկրորդ պետական դոմայի գործունեության մեջ գլխավորը ադրարային-գյուղացիական հարցի արժարժումն էր: Քննարկվող առաջին հարցերից մեկը նաև զեմստվային ինքնավարություն մտցնելու խնդիրն էր, որի նախաձեռնությունն իրենց ձեռքը վերցրին ռուս սահմանադիր-ռամկավարները (կադետները), որոնց անմիջապես միացավ Հովսեփ Աթաբեկյանը: Ունենալով կադետ պատգամավորների աջակցությունը՝ վերջինս բարձրացրեց նաև Կարս քաղաքում տեղական ինքնավարության խնդիրը: Դուժայի նիստերում, նրա հանձնաժողովներում տնտեսական, ազգային-մշակութային, ռազմադատային դատարանները վերացնելու, պարտադիր ուսուցում մտցնելու, բյուջեի, ադրարային և այլ հարցերի շուրջը ելույթներ ունեցան նաև Հ. Սաղաթեյանը, Ս. Տիգրանյանը, Ա. Տեր-Ավետիքյանը:

⁷ Государственная дума первого созыва. Стенографические отчеты, сессия I, II, п. с. 1228-1230.

⁸ Նույն տեղում, էջ 1231-1236:

⁹ "Первая государственная дума", II, 1907, ст. 51 — 54.

Անդրկովկասի պատգամավորներից մի քանի անգամ մարտական ելույթներ ունեցավ Ա. Զուրաբյանը: Առաջին անգամ նա դուժմայում հանդես եկավ մարտի 27-ին բյուզնի հողավածների քննարկման հարցերի կապակցությամբ: Ապրիլի 16-ին էլ Դուժմայի փակ նիստում միացյալ սոցիալ-դեմոկրատական ֆրակցիայի կողմից փայլուն ելույթ ունեցավ այս անգամ բանակում տիրող ծանր դրուժյան, մասնավորապես սպաների դաժանության և զինվորների նկատմամբ անմարդկային վերաբերմունքի մասին: Ա. Զուրաբյանի հաջորդ խիստ ելույթը 1901 թ. մայիսի 24-ին Կովկասի կապակցությամբ առաջացած հարցադրման ժամանակ էր, երբ խոսեց Արևմտյան Վրաստանի գյուղերում կազակային էքսպեդիցիանների կատարած բռնությունների մասին: Անցնելով հայկական գյուղերի վիճակի հարցին, ընթերցեց Գանձակի նահանգում հաշտարար միջնորդ Երմոլակի, գավառապետ Ֆրեյլիսի, ենթագնդապետ Վեվերնի գլխավորությամբ գործող կազակային զորամասերի կատարած վայրագությունների և քստմեղի դեպքերի նկարագրություններով լի հեռագրերը:

Յրելով Առաջին դուժման կառավարությանը հնազանդ չլինելու համար, ցարը սխալվեց, որովհետև Երկրորդն իր կազմով ավելի ձախ դուրս եկավ: Դա ցույց տվեց, որ հեղափոխությունը թեպետև նահանջում էր, սակայն ժողովրդի քաղաքական-գիտակցական մակարդակն աճում էր: Նիկոլայ II-ը որոշեց ցրել նաև այս Դուժման: 1907 թ. հունիսի 1-ին կառավարության ղեկավար Պ. Ստոլիպինը դուժմայի փակ նիստում պահանջեց անմիջապես արտաքսել սոցիալ-դեմոկրատական ֆրակցիայի բոլոր 65 անդամներին և ստահոգ մեղադրանք ներկայացնելով «պետական դավաճանության» մեջ՝ նրանց բանտարկել տվեց: Հունիսի 3-ին օրենք հրապարակվեց Պետական դուժման ցրելու և Երրորդ դուժմա հրավիրելու մասին: Նոր օրենքով բանվորների և գյուղացիների ընտրական իրավունքները խիստ սահմանափակվեցին: Դրանով իսկ Ստոլիպինը պետական հեղաշրջում կատարեց, որովհետև կառավարությունը խախտելով Դուժմայի օրենսդիր իրավունքը՝ օրենք հրապարակեց առանց նրա գիտության:

Հունիսերեքյան հեղաշրջումով ավարտվեց 1905-1907 թթ. ռուսական առաջին հեղափոխությունը:

1905-1907 թթ. ռուսաստանյան հեղափոխական կուսակցությունների գործունեության համար յուրատեսակ քննության ժամանակաշրջան գարձան: Այդ տարիներին սոցիալիստ-հեղափոխականները, սոցիալ-գեմոկրատական բանվորական կուսակցության մեծամասնական թևի ներկայացուցիչները բանվորական շարժումները, գյուղացիական ելույթները, զինվորական հուզումները նպատակաուղղում էին հարձակողական գործողությունների՝ ապստամբության, պետական մեքենան ջախջախելու, արմատական հեղափոխություն կատարելու համար: Նման ռազմավարության կողմնակից էին նաև մի շարք հայ մեծամասնականներ, այդ թվում Ստ. Շահումյանը և Ս. Սպանգարյանը: Եվ իզուր չէ, որ 1905 թ. Մոսկվայի բանվորների ղեկավարության ապստամբությունը հաղթանակի հասցնելու լենինյան պատգամները հոգեհարազատ էին նրանց: Սոցիալ-դեմոկրատական կուսակցության փոքրամասնական թևի ղեկավարները և մանավանդ նրանց պարագլուխ Գ. Պլեխանովը դեմ էին ապստամբությանը, գտնելով,

որ հոկտեմբերի 17-ի մանիֆեստի ընձեռած հնարավորության պայմաններում հեղափոխությունն աստիճանաբար կարող է հաղթել խուսափելով արյունահեղությունից: Այս հարցի մասին խորհում էին ոչ միայն փոքրամասնականները, այլև մեծամասնական կոնորտայի այնպիսի ականավոր ներկայացուցիչ, ինչպիսին Բոգդան Կնունյանցն էր: 1905 թ. նոյեմբերին «Новая жизнь» թերթում «Բանվորների դեպուտատների սովետը, թե՞ կուսակցությունը» հոդվածում նա քաղաքականության մեջ գերակայությունը տալիս էր սովետներին: Հեղափոխության մեջ կուսակցության դեկավար դերի խնդիրը Կնունյանցը քննում է նաև 1911 թ. «Новая жизнь» թերթում հրատարակած «Հանրազոմարներից մեկը» և «Հինը և Նորը» հոդվածներում, որոնցում արգեն կասկածի տակ է դնում կուսակցության ավանդարդային դերի հարցը գալիք հեղափոխության մեջ, այսինքն՝ հարում է լիկվիդատորությանը: Հայտնի է, որ ՌՍԴԲ կուսակցության պատմության մեջ լիկվիդատորությունը մի ուղղություն էր, որի սխալ լինելը չապացուցվեց խորհրդային պետության տասնամյակների ընթացքում: Եվ, ընդհակառակը, պատմական իրադարձությունների վերախմաստավորման արդի ժամանակներն ապացուցեցին Բոգդան Կնունյանցի նման նշանավոր անհատականությունների իրատես և հեռատես լինելը:

ВОСТОЧНАЯ АРМЕНИЯ В РУСЛЕ ПЕРВОЙ РУССКОЙ РЕВОЛЮЦИИ

ДЕРЕНИК МУРАДЯН.

Резюме

Расстрел мирного шествия петербургских рабочих 9 января 1905 г. стал началом первой русской революции. Революционное движение, начавшееся в столице, постепенно охватило всю страну, в том числе и Закавказье. В революционном движении в крае помимо социал-демократов, игравших главную роль, принимали участие также армянские национально-демократические партии «Дашнакцутюн» и «Гнчак». Разумеется, их главной целью оставался вопрос освобождения западных армян. В марте-апреле 1905 г. с петициями к правительству обратилась закавказская армянская либеральная интеллигенция с требованием коренных преобразований в стране, а также открытия закрытых прежде армянских школ и возвращения имущества апостольской церкви, конфискованного в 1903 г. Под натиском революционного народа Николай II 17 октября 1905 г. издал манифест о даровании политических свобод и о созыве законодательной Думы. Чтобы отвлечь внимание народных масс Закавказья, правительство в 1905 г. организовало провокационные армяно-азербайджанские (татарские) столкновения. 6 февраля азербайджанские бандформирования в Баку внезапно напали на мирных армян, убив несколько сот человек. Столкновения во всем Закавказье продолжались полтора года. Постепенно были ор-

ганизованы армянские отряды самообороны, которые нанесли азербайджанской стороне ощутимые потери, намного превышающие потери армян. В 1906 — 1907 гг. армянская общественность принимала участие в выборах в Первую и Вторую Государственную думы, где армянские политические деятели выступали с критическими заявлениями в адрес правительства. На заседаниях Второй думы с разоблачением антинародной деятельности правительства с резкой критикой выступали представители революционных организаций России. Seriously обеспокоенный настроением депутатов, премьер-министр П. Столыпин 3 июня 1907 г. разогнал Думу. Разгоном Думы завершилась Первая русская революция.